

## Script of Evening Gojri News Bulletin 01 December 2025 at 1700 Hrs

ایویننگ گو جری نیو ز بلیٹن مو رخہ 01 دسمبر 2025

\*\*\*\*\*

یوہ آکا شوانی جموں بے عالم خان تے محبوب سلطانی تیں خبر سُنو۔ پہلاں خاص خاص خبر۔

\*\*\*\*\*

1\*. پا رلینٹ غو سرمائی اجلاس اج ہنگامہ آرائی غے دوران شروع ہوئو۔ کئی اہم بیل متعارف کرایا گیا۔

2\*. راجیہ سبھا مانہ 5 بہاران بعد جموں کشمیر غی نمائندگی غی واپسی ہوئی، نائب صدر جمہو ریہ نیشنل کا نفرنس غا 3 نو منتخب ممبران نانہہ حلف دوایو۔

3\*. جموں کشمیر سرکار نے 27/2026 بجٹ واسٹے تبادلہ خیال غو عمل شروع کیو ہے ، چہیڑو 16 دسمبر توڑی جاری رہ گو۔

4\*. بی ایس ایف کشمیر فرنٹیر غا آئی جی نے دسیو ہے جے اس سال اجات توڑی بنے پار تیں محض 4 در اندازی غی کوشش ہوئی جس مانہ 8 دہشت گردان نانہہ مار مکایو گیو ہے۔

5\*. تے جموں کشمیر محکمہ سیاحت نے آئی آئی ٹی ایم 2025 مانہ گرین گلوب گارڈین ایوارڈ چتیو ہے۔

\*\*\*\*\*

خبران غی تفصیل نال پہلاں عالم خان ہکلہ۔

### Winter Session

پا رلینٹ غو سرمائی اجلاس اج تیں شروع ہو گیو ہے۔ 19 تیہاراں ور مشتمل اس اجلاس مانہ کل 15 نشست ویں گی۔ لوک سبھا غی کارروائی اج سپیکر اوم برا لاغی طرفوں اس اجلاس تیں پہلاں انتقال فرما چکا ممبران غی یاد مانہ تعزیتی پیغام پڑھیا تے ان نانہہ خراج عقیدت پیش کیو ہے۔ وقفہ سوالات غے دوران حذب اختلاف ممبران نے خصوصی چناؤ نظر ثانی فہرست جیسا معاملات ور ہنگامو کیو۔ جس وجہ سنگ ایوان غی کارروائی پہلاں 12 بجے تے فر 2 بجے تک ملتوی کی گئی۔

بعد مانہ کارروائی پورا دن واسطے ملتوی کر دتی گئی۔ اس تیں پہلاں شور شرابہ غے درمیان ہی وزیر خزانہ نرملہ سیتھا رمن نے کئی بیل متعارف کرایا۔ اجلاس شروع ہو تیں پہلاں وزیر اعظم نریندر مودی نے اج میڈیا سنگ خطاب کیو تے کہیو جے یوہ اجلاس صرف اک رسم نہیں بلکہ بھارت نانہہ ترقی الے پاسے لے جان غی کوشش ہے۔ اُنہاں نے کہیو۔ بائٹ۔

-----

## RS Oath

جموں کشمیر واسطے اج اک خوش آن لمحو ہے کیونجے تقریباً 5 بہاران بعد راجیہ سبھا مانہہ سنگھ نمائندگی ملی ہے۔ نیشنل کافرنس غا نو منتخب رُکن پارلیمان سجاد احمد کچلو، گروینڈر ابراۓ گُرف شمی ابراۓ تے محمد رمضان چودھری نے ایوان بالا مانہہ حلف چایو ہے۔ ان ممبران نانہہ نائب صدر جمہوریہ تے راجیہ سبھا غا چیر مین سی پی رادھا کرشن نے حلف دوایو ہے۔ راجیہ سبھا مانہہ جموں کشمیر غا بُن 4 ممبر بو گیا ہیں، جن مانہہ نیشنل کافرنس غا 3 جد کہ بی جے پی غو ممبر ہے۔ بی جے پی غا رُکن ست شرمانے پہلان نے حلف لے لیو ہے۔ ممبر پارلیمنٹ سجاد احمد کچلو نے کہیو۔ بائٹ۔

جموں کشمیر غا وزیر اعلیٰ عمر عبداللہ نے اج حلف لین آلا نیشنل کافرنس غا تریان ممبران نانہہ مبارکباد پیش کی ہے۔

-----

## Budget Proposal

مالی سال 2026/27 واسطے بجٹ غی تیاریاں غا سلسلہ مانہہ محکمہ مالیات نے اج نوں بجٹ تجویز ور غور کرن غو عمل شروع کیو ہے۔ مہارا آکاشوانی جموں غا نمائندہ نے خبر ٹوری ہے جے انتظامیہ سیکٹریاں نانہہ جانکاری دتی گئی ہے جے 36 محکمان سنگ مشاورت غو سلسلو 16 دسمبر توڑی جاری رہ گو۔ اس دوران سال 2025/26 واسطے نظر ثانی تخمیناں غو جائزو لیو جائے گو، تے مالی سال 2026/27 واسطے بجٹ تخمینو تیار کیو جائے گو، جن مانہہ محکمہ مال، سرمایہ جاتی خرچ، مرکزی معاونت الی سکیم، پی ایم ڈی پی تے قرضان غا معاملات شامل ویں گا۔

-----

## CS Traffic Management

چیف سیکریٹری اتل ڈلو نے اج جموں تے کشمیر مانہہ ٹریفک منیجمنٹ بارے کثیر نظم و ضبط کھیٹی غی اک میٹنگ غی صدارت کی ہے، جس مانہہ ٹریفک غا دباؤ نانہہ کہٹ کرن، سڑک حفاظت نانہہ بہتر بنان تے شہری نقل و حرکت بدھان بارے چایا گیا اقدامات غو جائزو لیو گیو۔ اُبھاں نے اس دوران خفیہ ٹریفک نظام غی ویلے سر عمل اوری، مربوط ٹریفک لائٹ نظام، سختی نال ٹریفک قوانین غا نفاذ تے عوامی رائے نال مشکلات غو ازالو کرن ور زور پایو۔ میٹنگ مانہہ عہدیداران نے اس بارے چایا گیا اقدام بارے تفصیل نال دسیو ہے۔

-----

## JK Govt Award

جموں کشمیر حکومت نے سرکاری اعزاز 2026 واسطے نامزدگی طلب کی ہیں، جہیڑا یوم جمہوریہ گا موقع ور دتا جائیں گا۔ اس ضمن مانہہ عوامی انتظامیہ محکمہ جی اے ڈی غی طرفون جاری کی گئی نوٹیفیکیشن غے مطابق یہ اعزاز بہادری، ادب، سماجی اصلاحات، عوامی خدمات، ماحولیاتی تے صنعتی قابلیت، کھیڈ، میڈیا تے دیگر شعبان مانہہ دتا جائیں گا۔ اس ضمن مانہہ نامزدگی جموں کشمیر اکیڈمی برائے فن ثقافت تے لسانیات، یونیورسٹیاں، غیر سرکاری تنظیمان تے انتظامیہ سیکریٹریاں توں منگی گئی ہیں۔ تے اس ضمن مانہہ نامزدگی جمع کران غی آخری تاریخ 15 دسمبر 2025 رکھی گئی ہے۔

-----

مزید خبران نال محبوب سلطانی پہلاں یوہ پیغام-(یہ خبر تم آکا شوانی جموں تین سُن ریبا بیں، تے یہ خبر مہاری ویب سائٹ نیوز آن ائیر ڈاٹ گوو ڈاٹ ان ور وی دستیاب بیں، اس تین یہ خبر (مہاری مو با ئل ایپ تے ڈی ٹی ایچ ور وی دستیاب بیں

### IG BSF LoC

بی ایس ایف کشمیر فرنٹیر غا انسپکٹر جنرل اشوک کمار نے اج دسیو ہے جے اس سال اجات توڑی قبضہ لکیر وروں محض 4 دراندازی غی کو شش ہوئی ہیں، جس مانہہ 8 دبشت گردار نانہہ ہلاک کیو گیو ہے جد کہ 5

نانہہ واپس مُرُن ور مجبور کیو گیو۔ بی ایس ایف غا 61 وان یوم ناسیس غا موقع ور ۱ پریس کا نفرنس سنگ خطاب کرتاں وان آئی جی موصوف نے یکم دسمبر 1965 مانہہ بی ایس ایف غا وجود مانہہ آن تین بعد غا ابہ کردار نانہہ اجلاگر کیو۔ جس مانہہ بین القوامی سرحدان غی را کھی کرنا، کشمیر پنجاب تے نکسل متاثرہ علاقاں مانہہ دبشت گردی تے دراندازی مخالف کاروائی شامل ہیں۔ اُنہاں نے اُن بی ایس ایف شہید جواناں نانہہ خراج عقیدت پیش کیو جہاں نے ملک غی اندروانی تے بیرونی حفاظت نانہہ یقینی بناتاں وان عظیم قربانی پیش کیں۔

-----

### LG-BSF

بی ایس ایف غا یوم تا سیس غا موقع ور اج لیفٹ گو رنر منوج سنہا نے تمام افسران، جواناں، سابق جواناں تے اُن غا اپل خانہ نانہہ میا رکباد پیش کی ہے۔ سماجی میڈیا ور اک پیغام مانہہ لیفٹ گو رنر نے بی ایس ایف غا بے مثال جذبہ، لگن تے بھارت غی سرحدان غی حفاظت واسطے اُن غا جذبہ غی تعریف کی ہے۔ اُنہاں نے بی ایس ایف غا پیشہ وارانہ، نظم و ضبط تے اُن غی قربانیاں نانہہ وی اجلاگر کیو۔

-----

### JK Tourism

جموں کشمیر محکمہ سیاحت نے بھارتی بین القوامی ٹریلو ما رٹ 2025 مانہہ گرین گلوب گا رٹنین اعزاز حاصل کیو ہے، تے یوہ اعزاز اس گل نانہہ اجلاگر کر رہیو ہے جے یوٹی جموں کشمیر لگاتار ماحول دوست، ذمہ دار تے مستقبل ور مبنی سیاحت غا فروغ دین واسطے پُر عزم ہے جموں کشمیر نے 3 تیہاڑاں ور مشتمل اس تقریب مانہہ اپنی بکھہ سیاحتی خصوصیت پیش کیں تے جن سنگ ملک غی بہترین سفر کرن الی جگہاں وچوں اک جگہ بنی ہے۔ یوہ اعزاز اس گل نانہہ اجلاگر کر رہیو ہے جے خطو پائیدار تے ماحول دوست سیاحت غا فروغ ور خصوصی توجہ دے رہیو ہے تے ماحول سنگ محبت کرنو سیلانیاں نانہہ اپنی طرف متوجہ وی کر رہیو ہے۔ جموں کشمیر سیاحت محکمہ غی کوشش ہے جے ملک مانہہ ذمہ دار سیاحت واسطے اک نوی مثال قائم کی جائے۔

-----

### Gojri Conference

جموں کشمیر اکیڈمی برائے فن ثقافت و لسانیات نے گو جری زبان تے ادب غا فروغ واسطے اک روزہ گو جری ثقافتی کا نفرنس گجر بکرول ہو سٹل کالا کوٹ راجو ری مانہہ منعقد کی، جس

مانہ 50 تون متا گو جری لکھاڑی ، شاعر تے فنکاران نے شرکت کی۔ اس افتتاحی تقریب غی صدارت مصنف میاں جا وید نظامی نے کی جد کہ اس دوران پروفیس رائیم کے وقار، تنویر ملک تے جاوید رابی وی موجود تھا۔ اس دوران مقررین نے گو جری غی تحریری تے زبانی روایت نانہ محفوظ کرنے گے نال نال نوجوان لکھاڑیاں غی تربیت تے رینمائی ور زور پایو، تا نجے گو جر بکروال برادری غی تفافت نانہ دستاویزی شکل دتی جا سکے۔ اس سلسلہ مانہ آکاشوائی نیوز سنگ گل کرتانوں اکیڈمی غا صوبائی سربراہ ڈاکٹر جا وید رابی نے اس طرح کہیو۔ بائٹ۔

-----

## Drug Control Ramban

منشیات غی روک تھام بارے دفتر رام بن نے دسیو ہے جے وے کو ریر غی خدمات سنگ مل غے کم کر رہیا بیں تانجے ان غی سہولیات نانہ منشیات غی غیر قانونی سرگرمیاں واسطے استعمال نہ کیو جا سکے۔ اس ضمن مانہ انتظامیہ نے ضلع غا تمام کو رئیر مراکز واسطے نواں روپو رٹینگ گو اصول متعارف تے اس سلسلہ مانہ بون کوئی وی دوا گو پارسل بھیجن تون پیلان کو رئیر خدمات نانہ منشیات غی روک تھام بارے محکمہ نانہ جانکاری دینی لازمی وے گی۔ یوہ قدم غیر قانونی نشہ آلی دوائیاں نانہ روکن واسطے جاری کو ششان گو حصو ہے۔ افسران نے کہیو ہے جے یاہ سب غی مشترکہ ذمہ داری ہے تے کو رئیر ایجنسیاں تون درخواست ہے جے وے رینما ہدایات ور پورو تعاون کریں تا نجے ضلع مانہ منشیات تون متعلق خطران نانہ کہٹ کیو جا سکے۔ اس سلسلہ مانہ اسٹٹوٹ کٹھرولر ڈرگ رم بن سنجیوکمار گپتا نے اس طرح کہیو۔ بائٹ۔

-----

اس غے نال ہی خبران گو یوہ بلیٹن ختم ہو۔